

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Director Arubahuis Joselin Croes:

Un director trahando activamente pa mehora servicio y guia pa studiantenan Arubiano na Hulanda

Joselin Croes ta describi su mes como un persona cu semper a studia hopi duro pa logra su metanan, y e trabou duro a duna su frutonan. Durante añanan largo di su trayectoria el a ocupa diferente posicion importante y actualmente e ta director di e Kabinet van de Gevolmachtigde Minister van Aruba (Arubahuis) na Hulanda.

Den un entrevista cu Bon Dia Aruba Croes a conta di su trayectoria y con el a yega na su posicion actual como director di Arubahuis.

Despues di gradua di Colegio Arubano, Croes a bay Hulanda pa cuminsa su estudio di ley, pero no a logra caba y el a haci un cambio pa International Business and Management, cual el a caba den cuater aña. Despues el a regresa Aruba y a traha dos aña na CBS.

Di eynan Croes a subi lista di partido OLA. E tabatin apenas 24 aña y tabata su prome experiencia cu politica. “Mi a hay’e leuk, pero mi ta kere mi no tabata serio y grandi suficiente pa compronde e embergadura di dje. Esey tabata mi prome biaha cu mi a bay, pero mi periodo cu mi a campaña y bay den politica tabata un periodo cortico di tres pa cuater luna,” el a indica.

Despues di su prome experiencia den politica, Croes a bay traha na Fundacion Lotto pa Deporte y a traha 11 aña largo como Sales & Marketing Director y a logra logronan grandi.

El a conta cu tempo el a dren-ta Lotto, e bentanan no tabata automatiza y no tabatin un sistema online. E momento ey Lotto tabata bende mas o menos 1 miyon florin pa aña y den menos cu cinco aña el a crece di 1 miyon pa 40 miyon florin pa aña, un logro grandi pa Croes.

“Esey tabata un logro grandi pa forma parti di e cambio di Lotto pa Deporte cu a bay di benta manual pa benta via e sistema online. Mi a experiencia desde cero con nos a logra crece Lotto. Un experiencia hopi leuk y mi a siña masha hopi mes,” el a expresa.



Mientras e tabata trahando na Lotto, el a dicidi di persigui su estudio di ley na Universidad di Aruba. El a haci su masters den ley y a cabele den cuater aña.

Despues di termina su estudio el a traha 10 aña como abogado. E prome cuater el a traha pa e oficina di abogado Gomez & Bikker y despues el a habri su propio oficina, CDC Law.

Croes a drenta e mundo di politica back na 2017 ora cu Otmar Oduber a acerc’e pa subi e lista di Partido POR, un partido chikito e tempo ey.

El a splica cu el a scoge pa drenta un partido chikito pasobra e ta kere cu Aruba ta wordo sirbi cu un coaliccion y no cu un partido cu mayoria. “Mi ta haya cu toch ora bo tin mayoria den Parlamento bo tin un stempel parlament y no tin un bon control riba gobierno,” el a resalta.

Despues cu partido POR a haya dos asiento y a forma gobierno cu MEP, el a wordo acerca door di prome minister y Otmar Oduber pa e sirbi Aruba como minister Plenipotenciario na Washington DC, locual el a haci di aña 2018 te cu 2023.

Na december di aña 2023 Croes a bay Hulanda y a asumi e posicion di director di Kabinet di Aruba. Esaki cuminsando pa un periodo di cinco aña cu posibilidad di extende esaki.

Croes a expresa cu aworaki como director di Arubahuis e ta wak cu hopi cos no a cambia y e studiantenan ta pasando den e mesun problemanan cu el a pasa aden casi 30 pa 35 aña pasa ora el a yega Hulanda como estudiante.

E diferencia di antes cu aworaki, el a indica, ta cu antes no tabatin mucho problema pa haya camber, e studiantenan tabata haya camber relativamente facil y aworaki si esey ta un problema grandi.

Como director di Arubahuis Croes tin algun conseho importante pa studiantenan di Aruba cu tin e meta pa bay sigui nan estudio na Hulanda. Primeramente e ta conseha e studiantenan pa nan ta sigur di loke nan kier studia. El a splica cu e sistema Hulandes ta un poco mas dificil cu e sistema Mericano. Na Hulanda ora cu un estudiante cambia di estudio, por ehempel di business pa psicologia, e chance ta grandi cu e estudiante ta perde full un aña y mester cuminsa di nobo.

El a agrega tambe cu e ley di lening ta bisa cu no por cambia mas cu un biaha di estudio, dus si e estudiante cambia mas cu un biaha e ta perde su studielening di Aruba.

“Mi ta conseha tur estudiante haci un beroepskeuze test cu ta duna’bo e indicacion di kico ta e estudio cu ta pas cu bo. Scoge algo cu ta emocion bo, cu ta bo pasion, cu bo ta lanta mainta y ta haci bo

feliz,” el a remarca.

Di dos e ta conseha tur estudiante pa cuminsa wak noticia Hulandes y lesa bukinan na Hulandes. El a indica cu mayoria estudiante ta lucha pa motibo di Hulandes y ta un problematica grandi. El a agrega cu mayoria di estudiante ta drop out tambe pa motibo di Hulandes.

“Cuminsa no un aña prome, cuminsa di trempa caba. Wak noticia na Hulandes, lesa buki na Hulandes, lesa corant na Hulandes y purba papia na Hulandes pasobra e ta bay ta un obstaculo ora bo yega,” el a bisa.

Por ultimo el a recomenda studiantenan pa busca informacion prome cu nan bay. Un punto importante ta pa cuater aña prome cu e estudiante bay Hulanda, e mester registra pa un cas of camber. Pero el a enfatisa tambe pa e studiantenan busca informacion tocante kico ta encera pa biba y studia na Hulanda, y por haci esaki yamando Kabinet mes of papiando cu e mentornan di Arubahuis.

“E ta un otro bida, e ta un cultuureshock y ta bon pa bo prepara bo mes pe. Bo estilo di bida ta diferente, bo forma di estudio ta diferente, bo cantidad di cosnan cu bo tin cu studia ta diferente. Ta bon pa bo prepara bo mes bon pa esaki,” el a subraya.